

Ndryshimet në SNRF1 *Adoptimi për Herë të Parë i Standardeve Ndërkombëtare të Raportimit Financiar*

Janë shtuar paragrafi 39AG, dhe në shtojcën D, paragrafi D13A. Është ndryshuar paragrafi D1(f). Teksti i ri është i nënvizuar dhe teksti i fshirë është bërë me vijë në mes.

Data e hyrjes në fuqi

...

39AG *Përmirësime vjetore të Standardeve SNRF 2018-2020, të publikuara në maj 2020, ka ndryshuar paragrafin D1(f) dhe ka shtuar paragrafin D13A. Një njësi ekonomike do të zbatojë këtë ndryshim për periudhat vjetore që fillojnë më 1 janar 2022 e në vijim. Lejohet zbatimi përpara kësaj date. Nëse një njësi ekonomike e zbaton ndryshimin për një periudhë më të hershme ajo do ta paraqesë këtë fakt.*

Shtojca D

Përrjashtime nga SNRF-të e tjera

Kjo shtojcë është pjesë përbërëse e kësaj SNRF.

D1 Një njësi ekonomike mund të zgjedhë të përdorë një ose më shumë prej përjashtimeve të mëposhtme:

...

(f) diferenca përkthimi kumulative (paragrafët D12-~~D13A dhe D13~~);

...

Diferenca përkthimi kumulative

...

D13A Në vend që të aplikojë paragrafin D12 ose paragrafin D13, një filial që përdor përjashtimin sipas paragrafit D16 (a) mund të zgjedhë që në pasqyrat e tij financiare, të matë diferencat kumulative të përkthimit për të gjitha operacionet e kryera jashtë vendit me vlerën kontabël që do të përfshiheshin në pasqyrat financiare të konsoliduara të shoqërisë mëmë, bazuar në datën kur mëma ka kaluar në SNRF, nëse nuk janë bërë rregullime për procedurat e konsolidimit dhe për efektet e kombinimit të biznesit gjatë të cilit mëma ka blerë filialin. E njëjta mundësi zgjedhje është e mundshme edhe për një pjesëmarrje apo sipërmarrje të përbashkët që përdor përjashtimin sipas paragrafit D16(a).

...

Ndryshim në SNRF 9 *Instrumentet financiare*

Janë shtuar paragrafi 7.1.9, paragrafi 7.2.35 së bashku me titullin e tij, dhe paragrafi B3.3.6A. Është ndryshuar paragrafi B3.3.6. Teksti i ri është i nënvizuar. Kërkesat në paragrafin B3.3.6A nuk janë ndryshuar por janë zhvendosur prej paragrafit B3.3.6.

Kapitulli 7 Data e hyrjes në fuqi dhe periudha kalimtare

7.1 Data e hyrjes në fuqi

...

7.1.9 *Përmirësimet vjetore të Standardeve SNRF 2018-2020, të publikuara në maj 2020, ka shtuar paragrafët 7.2.35 dhe B3.3.6A dhe ka ndryshuar paragrafin B3.3.6. Një njësi ekonomike do të zbatojë këtë ndryshim për periudhat vjetore që fillojnë më 1 janar 2022 e në vijim. Lejohet zbatimi përpara kësaj date. Nëse një njësi ekonomike e zbaton ndryshimin për një periudhë më të hershme ajo do ta paraqesë këtë fakt.*

7.2 Periudha kalimtare

...

Periudha kalimtare për Përmirësimet vjetore në Standardet e SNRF-ve.

7.2.35 *Një njësi ekonomike do të zbatojë Përmirësimet Vjetore të Standardeve të SNRF 2018-2020 për detyrimet financiare që janë ndryshuar ose këmbyer në datën e periudhës raportuese në të cilën njësia ekonomike zbaton për herë të parë këto ndryshime, ose më pas.*

Shtojca B

Udhëzim për zbatim

Kjo shtojcë është pjesë integrale e Standardit.

...

Njohja dhe çregjistrimi (Kapitulli 3)

...

Çregjistrimi i detyrimeve financiare (Seksioni 3.3)

...

B3.3.6 Për qëllim të paragrafit 3.3.2, kushtet janë në thelb të ndryshme në qoftë se vlera aktuale e skontuar e flukseve të mjeteve monetare në bazë të kushteve të reja, duke përfshirë çfarëdo tarifash të paguara, zbritur çfarëdo tarifash të arkëtuara dhe të skontuar duke përdorur normën fillestare të interesit efektiv, është të paktën 10 përqind e ndryshme nga vlera aktuale e skontuar e flukseve të mjeteve monetare të mbetura të detyrimit financiar fillestar. Në përcaktimin e atyre tarifave të paguara, zbritur tarifave të arkëtuara, një huamarrës përfshin vetëm tarifave të paguara ose të arkëtuara midis huamarrësit dhe huadhënësit, përfshirë tarifave të paguara ose të arkëtuara nga huamarrësi ose huadhënësi në emër të tjetrit.

B3.3.6A Nëse një shkëmbim i instrumenteve të borxhit ose modifikim i termave trajtohet si një shlyerje, çdo kosto ose pagese e bërë njihet si pjesë e fitimit ose humbjes neto nga shuarja e borxhit. Në qoftë se shkëmbimi apo modifikim nuk është trajtuar si një shlyerje, çdo kosto ose pagese e bërë rregullon vlerën kontabël të detyrimit dhe amortizohet për periudhën e mbetur të detyrimit të modifikuar.

...

Ndryshim në SNK 41 *Bujqësia*

Paragrafi 22 është ndryshuar dhe është shtuar paragrafi 65. Teksti i ri është i nënvizuar dhe teksti i fshirë është paraqitur me vijë në mes.

Njohja dhe matja

- ...
- 22 Njësia ekonomike nuk i përfshin flukset monetare për financimin e aktiveve, ~~taksimit~~, ose rindërtimit të aktiveve biologjike pas vjeljeve/korrjeve (për shembull, kosto e ri mbjelljes së pemëve në një pyll plantacionesh pas prerjes).
- ...

Data e hyrjes në fuqi dhe periudha kalimtare

- ...
- 65 Përmirësime vjetore të standardeve SNRF 2018-2020, të publikuara në maj 2020, ka ndryshuar paragrafin 22. Një njësi ekonomike do të zbatojë këtë ndryshim të matjes së vlerës së drejtë në datën e periudhës së parë raportuese që fillon në datën 1 janar 2022 ose më pas. Lejohet zbatimi përpara kësaj date. Nëse një njësi ekonomike e zbaton ndryshimin për një periudhë më të hershme ajo do ta paraqesë këtë fakt.